

**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Articvlvs VI. & VII. Vtrum in Angelis sit cognitio matutina & vespertina. art.
6. & 7.

[urn:nbn:de:hbz:466:1-73915](#)

Quando per
accidens An-
geli compon-
nunt, &
uidant.

maximam ad intelligendum, plenitudinemque lu-
minis, quam habent, in altero extremitate intuentur,
qua ei conueniunt, aut non conueniunt: quod ta-
men nos, propter debilitatem nostræ mentis, effice-
re non valimus.

Obserua, quando complexio, qua se se offert in-
telligenda, est res necessaria, & utrumque extre-
mum, prædicatum videlicet & subiectum, iuxta D.
Thomæ sententiam, representantur in intellectu
Angelico per eamdem speciem, opinionem hanc D.
Thomæ nullam continere difficultatem: apprehen-
so quippe homine, in natura illius potest Angelus
simplici introitu conspicere, ipsum esse animal, ha-
bere facultatem ad ridendum, &c. idque illo intui-
tu iudicare. At vero quando extrema representan-
tur per diuersas species (qua ratione lapis & homo
ex sententia D. Thomæ representantur intellectui
inferioris Angelii) cum, ut cognoscatur hoc pronun-
ciatum, hominem esse lapidem, non satis sit cognosce-
re hominem, sed simul oporteat agnoscer lapidem,
neque utrumque (quicquid nonnulli dicant) possit
apprehendere per eamdem simplicem notitiam: eo
quod illorum sint diuersæ species, notitiaque spe-
ciebus respondere debant: sanè nulla ratione vide-
tur concedendum, Angelum tunc sine villa compo-
sitione ac diuisione iudicare hominem non esse la-
pidem: quandoquidem iudicium in assertione, aut
negatione intellectus est positum: id quod fit per
copulam extrema complexiois connectentem, aut
diuidentem: hanc autem sine extremis, neque no-
ster, neque Angelicus intellectus, vt Aristoteles i.de
interpretatione capite 3. est autor, valet intelligere.
Quare sicut articulo precedente tamquam regulam
statuimus, toties Angelum per accidens discurrere,
quoties intellectus Angelicus id, quod coniicit, &
intelligit ex alio non potest intelligere per eam-
dem notitiam, per quam id, ex quo illud coniicit, in-
telligit: ita hoc loco hac alia similis est statuenda.
Quoties intellectus Angelicus non potest per eam-
dem notitiam apprehendere extrema complexiois
non potest componere, aut diuidere, dum talem
complexionem agnoscat, & de ea iudicat: solius
namque Dei est proprium unam simplicissimam no-
titiam formare, qua nullam in se compositionem
admittat: idque tum propter omnimodam ipsius
simplicitatem, tum etiam quod unica simplicissima
ratione intelligendi, nimirum diuinitate, instar spe-
ciei intelligibilis concurrens, ea omnia percipiat.

Dei propriis
est nullo pa-
cto discurre-
re.

Quod ad complexiones contingentes attinet, vt quod Socrates sit albus, aut ambulet, veritatem
eorum cognoscit Angelus per notitiam intuituam
extremorum, qua illa coniuncta est à parte rei, aut
non esse coniuncta concipit: non secus ac nos id
inspicimus: cum autem ex sententia D. Thomæ ex-
tremis complexiois contingens representari pos-
sent per eamdem speciem, notitiam, quam de utroque
extremo Angelus format, potest esse una & simplex,
quemadmodum est species, qua representantur, ac
proinde poterit Angelus sine villa compositione,
aut diuisione intueri has complexiones, & de eis
iudicare. Obserua tamen, quando extrema complexiois
contingens eius esset natura, vt Angelus de utroque
formare non posset eamdem numero
simplicem notitiam: vt si de Angelo alio, aut homi-
ne, quem intuituam videt, vellet iudicare illum inter-
ius hoc vel illud cogitare quod concipere nequit,
nisi notitia abstracta, aut si de Petro nunc existen-
te iudicare vellet aliquod futurum contingens, quod
modo apprehendere non potest, nisi notitia abstra-
cta, Angelum tunc iuxta regulam traditam cōpo-
nit. Molina in D. Thom.

A ntere, aut diuidere. Hanc sententiam non reputat im-
probabilem Caiet. art. sequenti, tametq; contrariam
menti D. Thomæ iudicet consonantiorem.

ARTICVLVS V.

Vtrum in intellectu Angeli possit esse falsitas.

DICENDVM est, tam circa necessaria
quæ circa ea contingentia, quæ actu
existunt, quæque Angeli intuitu pos-
sunt cognoscere, non posse esse falsi-
tatem in intellectu Angelico. Circa
supernaturalia vero, cogitationes cordium, & futu-
ra contingentia, in Angelis quidem beatis non po-
test esse falsitas: eo quod eorum statui repugnat,
semperque Angelii beati iudicium suspendant, vbi
periculum falsitatis pender: demones vero circa
haec decipi possunt, si p[er]e scipios decipiunt: eo
quod nullam circa ea habeant evidentiam, de c[on]sue-
to non vereantur iudicare.

Cum vero articulo precedente ostensum sit, Ange-
los circa haec componere, & diuidere, non erit diffi-
cile intelligere, quanam ratione in iudicio, quod de
rebus huiusmodi fertur, possit sententiarum falsitas
esse in demonum intellectu. Quia vero iudicium,
quo Angelii de complexiois sine compositione
aut diuisione iudicant, licet compositione & diuiso-
ne non sit, vera tamen compositione ac diuisione æqui-
pollet: in illo esse potest veritas aut falsitas formaliter,
est, compositione & diuiso sit in eo virtute lo-
lum ac eminenter. Quia dictis adiungi potuisse,
ex questione 16. petantur.

ARTICVLVS VI. & VII.

Vtrum in Angelis sit cognitio matutina &
vespertina.

DISTINCTIO cognitionis matutina, & vespertina in Angelo introducta est
ab August. c. 4. super Genesim ad literam a c. 22. & 11. de Ciuit. Dei c. 7. 29.
30. Arbitratur namq; Deum creasse omnia in eodem
puncto temporis nostri, iuxta illud Eccles. c. 18. *Qui
vivit in aeternum, creavit omnia simul.* Sex autem dies,
in quibus res in principio Genesim à Deo creatae nar-
rantur, exponit de Angelica intellezione, compara-
ta cum sex rerū generibus, quæ sex illis diebus di-
cuntur creatae. Ita scilicet, vt cognitio rerū, quæ pri-
mo die creatae narratur, dicatur prima dies, cognitio
vero rerū, quæ secundo die dicuntur creatae, dicatur
secunda dies, & ita consequenter. In vnoquoq; au-
tem horum dierū distinguit mane & vespere: & mane
appellat cognitionem vniuersaliq; illorum sex
generū, quæ Angelus illud cognovit in Verbo, prius
natura quam produceretur: vespere vero cognitionem
qua illud idem cognovit in proprio genere
postquam produtum est: sicut enim mane ante-
cedit vespere, sic etiam cognitione rerum in Verbo ante-
cedit cognitionem earumdem rerum in proprio ge-
nere. D. Th. hoc loco, & inferius q. 62. artic. 1. ad ter-
tium, Gabriel super canonem leet. 31. & in 2. dist. 3.
q. 2. dubio ultimo, & multi alijs nomine, cognitionis
in Verbo, intelligunt visionem beatificam; & haec sanè
videtur esse sententia Augustini, quamvis hac de re
variè locutus sit, difficilique eius doctrina defen-
di valeat. Scorus in 2. dist. 2. q. 9. intelligit cognitionem
illam naturalem per speciem, de qua quæst. 5. 6.
artic. 3. locuti sumus, quam dicit fuisse communem

Ecc omni

Demones cir-
ca cogitatio-
nes cordis, &
fatura con-
gentia erra-
re frequenter.

In simplici
Angelorum
iudicio cur
veritas aut
falsitas de-
tinetur.

A omnibus Angelis, tam bonis, quam malis. Durans verò in secunda distinct. 4. quæstion. i. ad primum, & Marsilius in 2. quæst. 4. in response ad confirmationem octauj argumenti, intelligunt quamdam aliam cognitionem, non beatificam tamen. Hęc dicta sunt, ut Doctores intelligantur, quando de cognitione matutina, & vespertina loquuntur.

Duo verò admonuerim. Alterum est, expositionem illam Augustini, quod nomine sex dierum intelligatur cognitione Angelica, communiter non teneri. Adde, cognitionem Angelorum in Verbo per visionem beatificam, nec antecedere potuisse res creatas primo die, neque esse poruissimul cum illis, sed postea quod Angelii, ut infra dicetur: non fuerint conditi ante res corporeas, sed simul cum illis, viaque illorum antecederit præmium & visionem beatificam eorum, qui non ceciderunt. Alterum verò, difficile esse creditu, per aliam cognitionem Dei, à visione beatifica, cognosci posse res in Verbo & essentia diuina tamquam in obiecto cognito.

QVÆSTIO LIX.

De voluntate Angelorum.

ARTICVLVS I. II. & III.

*Vtrum in Angelis sit voluntas, ab intellectu di-
stincta, eaque liberi arbitrii rationem
sortiatur.*

*Angelis vo-
luntatem ac
liberum arbi-
trium ha-
bent.*

A BSOLVTIS iis quæ ad intellectum Angelorum spectant, hac & sequenti quæst. differit de iis quæ pertinent ad voluntatem. Essæ in Angelis voluntatem, eamq; rationem habere liberi arbitrii, ex eo est manifestum: quod de fide sit quosdā ex Angelis peccati, & quosdam vitam eternam promeruisse: quod sine voluntate & libero arbitrio accidere non potuit. Ratione etiam naturali idem probatur, quoniam, vt q. 19. art. 1. ostensum est, vim ad intelligentiam consequitur voluntas: cùm ergo ostensum sit in Angelis esse intellectum; consequens est, vt in eis concedi debeat esse voluntatem. Et cùm voluntas non necessiteretur, quoad exercitum quidem, nisi ab infinito bono clare viso, quoad speciem verò actus, non nisi à maximo aliquo bono, vt 1. 2. quæst. 10. ostendimus, efficitur, ut voluntas Angelorum sit libera, præterim cùm ad eundem finem plura media in singulari eaque accommodata eis repræsentetur, integrumque eis sit eligere, quod maluerint. Confirmari haec possunt, quoniam voluntas & liberum arbitrium sunt in homine, pertinente ad maximam illius dignitatem & perfectionem: quippe cum ratione voluntatis, liberiq; arbitrij Dominus sit suarum actionum, arque ad imaginem & similitudinem Dei: sed quod ad perfectionem hominum quoad partem intellectuam spectat, Angelis non est denegandum: ergo in Angelis est voluntas, liberumq; arbitrium. Cætera, quæ hoc loco dici poterant, dicta sunt à nobis secundo de Anima c. 3. & 4. & 1. 2. variis in locis.

ARTICVLVS IV.

Vtrum in Angelis sit irascibilis, & concupiscibilis.

BSERVA, necesse non esse, ut quæ obiecta comparatione inferiorum potentiarum diuiduntur, diuidantur etiam comparatio-

Artic. j. & ii.

ne potentia superioris: obiecta namque, quæ quinque sensibus exterioribus percipiuntur, quæque eorum comparatione sunt distincta obiecta, uno sensu communi percipiuntur, sicutque comparatione illius unum obiectum: quare cum voluntas tam in Angelis, quam in nobis superior potentia sit, quam appetitus sensitius, non secus ac intellectus superior potentia est, quam sensus: efficitur sicut, ut necesse non sit ea obiecta, quæ comparatione appetitus sensitius distincta sunt, distincta quoque sunt comparatione voluntatis. Quod fit, ut non ita sicut appetitus sensitius diuiditur in duas potentias, non solum specie, sed etiam organo distinctas, nempe in irascibilem, & concupiscibilem: sic quoque necesse sit appetitus intellectuum, qualis est voluntas, in totidem potentias diuidi. Ratio autem, quare ad delectabile apprehensum per sensum, & ad eius contrarium, nempe ad quod tristitia parit, necesse sit vna potentia sensitiva, qua appetatur, nempe concupiscibilis, quæ in corde residet, & ad hæc ipsa, quatenus apprehenduntur ut ardua, verbi gratia, ut coniuncta cum aliquo impediéte, necessaria sit alia, nempe irascibilis, quæ in hepate iuxta fel residet, ad bonum autem apprehensum vitroque modo per intellectum sufficit vnu appetitus intellectuus, nempe vna voluntas, hæc est. Quoniam actus, qui servantur in delectabili absolute sumptum, & in idem bonum apprehensum in ratione ardui, quando per organum corporeum exercentur, requirunt diversam complexionem ex parte organi, atque adeo diversas potentias organicas, quæ ex variis complexiōibus oriantur, eoque actus exerceant. Vnde experientia compertum est bilios melius exercere actus irascibilis, quam quales non sunt: sanguineos verò exercere actus concupiscibilis. Ad actus circa bonum, siue absolute, siue in ratione ardui, apprehensum per intellectum, quando per potentiam superiorem, merèque spiritualem exercentur, necessaria non est talis diversa complexio, ac proinde nec diuisio potentiarum. Atque hæc est ratio cur natura appetitus sensitivum in duas potentias specie & organo distinctas diuferit: appetitus verò intellectuum non item. Multi voluerunt, irascibilem in corde residere. Negari tamen non potest has potentias varias organi complexiones libi vendicare, vnamque cholérica, alteram sanguinea multum iuuari.

QVÆSTIO LX.

De amore, & dilectione Angelorum.

ARTICVLVS I. & II.

*Vtrum in Angelo sit amor, seu dilectio, tum na-
turalis, tum electiva.*

DILECTIO sumitur hoc loco pro actu elicito voluntaris. Quæritur vero, utrum in Angelo sit dilectio naturalis, ut distinguitur tum contra supernaturalem, tum etiam contra liberam, siue quo ad exercitum tantum, siue quo ad exercitum, & speciem actus. Quoniam verò 1. 2. prædictum quæst. 10. expostum, quo pacto actus voluntatis humanae circa finem naturalis sit quoad specie actus. Dicendum præterea est, actum voluntatis circa ea, que sunt ad finem (qui electio dicitur) esse liberū quoad exercitum, & speciem actus: idemq; dicendum est de actibus voluntatis Angelicæ, supersedendum duxi ab explicatione horum duorum articulorum. Ad vtrumq; affirmante